

scopum ab Ecclesia raptum ad Camelum alligarint, discerpserintque, & ipsum unā cum bestia combusserint. Nec minor fuit sub Valentiniano juniore & Theodosio, cum jussu Imperatorum Patriarcha simulachra Deorum diruit, ut narrat idem Socrates ^a. Nam ex communi (inquit) consensu omnes uno impetu in Christianos ruere, eadem cujusque modi illis inferre cœperunt: Christiani se defendere: malum malo additum: pugna usque eo crevit, quo ad cædis faciendæ satietate tumultus sedaretur. Interierunt in ea dimicatione pauci Gentilium, Christianorum permulti, ex utraque parte fauciati pene innumerabiles. Hæc autem cum essent, vix per sexcentos annos Ecclesia Ægyptiaca crescere potuit, & novas sedes Episcopales instituere. Post hæc Heraclio imperante, anno scilicet Christi 634. Saraceni Ægyptum sub tributo reddidere, inquit Theophanes ^b, in Saracenici, & ab hoc tempore Ecclesia graves passa est injurias: tantum abest, ut novas sedes Episcopales aut Metropoles erigere potuerit. Altera ratio est ingens numerus Judæorum in Ægypto degentium, & quasi innatum Ægyptiis in ipsos odium. Cum enim Ecclesia Alexandrina à Marco ex Judæis potius, (quorum decies centena millia hoc ipso tempore Ægyptum habitasse scribit Philo ^c) quàm ex Ægyptiis coacta esset, Ægyptiique Judæis, à quibus solis ut vicinis aut accolis edoceri poterant, semper infensi fuerint, eodem Philone ^d teste, adeo ut Marcum ipsum Judæum variis affecerint contumeliis, tandemque crudeliter necarint, vix ad Christi fidem ferendaque Ecclesiæ incrementa adduci valuerunt.

Porro quæ sub antedictis Metropolitibus sedes essent Episcopales deinceps narrandum est, si tamen prius Patriarcharum Alexandrinorum, qui per hujus Notitiæ tempora degerunt, ex historiæ Ecclesiasticæ scriptoribus nomina retulerimus.

ALEXANDRINORUM PATRIARCHARUM SERIES

ex authoribus historiæ Ecclesiasticæ.

Ajunt Marcum primum in Ægyptum trajecisse, & Euangelium, quod ipse conscripserat, illic prædicasse, primumque Ecclesiarum Alexandriæ institutarum authorem extitisse, atque tanta hominum & mulierum fidem Christi amplexantium ex prima aggressione & conatu, per grave in primis sanctum & severum ejus vivendi exemplum ibi cogebatur multitudo, ut Philo ipse eorum studia, exercitationes, mores, frequentes congressus, communem inter ipsos victus rationem, omnem denique vivendi institutionem, suis scriptis persequi operæ pretium existimarit.

Quarto anno Domitiani, *Anianus* primus Ecclesiæ Alexandrinæ præfuit, Idem l. 3. c. 12. qui, cum annos viginti duos in eo munere complevisset, exiit è vita.

In cujus locum suffectus est *Abilius*.

Eusebius Hist.

Eccl. l. 3. c. 12.

Primo *Nervæ* anno, cum Abilius decem & tres annos Ecclesiæ Alexandrinæ præfuisset, *Cerdo* eo dignitatis gradu potitus est. Id. lib. 3. c. 16.

Annum circiter duodecimum imperii Trajani, Episcopus Ecclesiæ Alexandrinæ, cujus paulo ante feci mentionem, vitam cum morte commutat, ac quidam nomine *Primus* ab Apostolis successione quartus, ministerium Ecclesiæ illius fortitò capit. Id. lib. 4. cap. 1.

Anno 3. Imperii Adriani Primus Alexandriæ Episcopus, cum 12. annos illi Ecclesiæ præfuisset, morte occumbit. Id. ibid. cap. 4.

Quem sequutus est *Iustus*.

Idem ibid.

L 1

Eume-

^a Id. l. 5. c. 16.

Μιὰ γὰρ ὁρμὴ ἐκ

τίνος συνθήματος

κατὰ τῶν χριστιανῶν

καρῆσαντες,

πάντα φόνον εἰργάζοντο. ἡμῶν

το δὲ καὶ οἱ χριστιανοὶ,

καὶ πᾶν κακὸν ἐπικολούθει

κακῶς ἕως τὸ τοσούτου

ἐξετάθη ἡ μάχη, ἕως οὗ ἴσως

τῶν φόνων τὸ γενόμενον

ἐπαυσεν. ἀπώλοντο γὰρ

ἐν τῇ σιμωλῇ τῶν

μὲν Ἑλλήνων ὀλίγοι,

τῶν δὲ χριστιανῶν

σφόδρα πολλοί; οἱ δὲ τραυματίζονται

ἐκ ἐκτερέου μέρους ἥσαν ἀναριθμητοί.

^b Theophan.

Chron.

^c Philo lib. in Flaccum.

Τοὺς γὰρ ὅπῃ τύχοι

Φανέντας τῶν Ἰουδαίων,

ἢ κατέλευον, ἢ ἐύλοισ

κατέκοπτον, ἐκ εὐθὺς ἐπὶ τὰ κυριώτατα

μέρη τὰς πληγὰς φέροντες,

ἵνα μὴ θάπτον τελευτήσαντες

θάπτον καὶ τὴν τῶν ὀδυνησῶν ἀντίληψιν

ἀπόθνηται, &c.

^d Id. eodem lib.

Καὶ ὅτι ἐκ ἀποδείξεσι

μυριάδων ἐκατὸν τὴν

Ἀλεξάνδρειαν καὶ τὴν χώραν

Ἰεδαίοι κατοικοῦντες

ἀπὸ τῆς πρὸς Λιβύην κατὰ

βαθμοῦ μέχρι τῶν ὀρίων

Λιβυπίας.

Eusebius Hist.

Eccl. l. 2. c. 15.